

片璧列國志

上海古籍出版社

古本小說集成

《古本小說集成》編委會編

片壁列國志

上海古籍出版社

第六十七回

申包胥號哭求救

却說申包胥時匿于城外野民之家聞伍員鞭尸抉目之慘使人謂員曰平王無道子之祖父皆北面而爲臣今旣鞭屍三百何忍更挾兩目臣之於君豈可耻辱至此豈非臣道之極乎員對使者曰爲我善謝申兄吾曰暮途遠故倒行而逆施也使者歸以子胥之言告包胥包胥知員不肯東還必欲滅楚遂西投秦國求救旣見秦公曰吳爲封豕長蛇久欲薦食上國故先虐我楚國寡君失守社稷逃在草莽之中使下臣告急方乞大王念秦楚之旧代爲興

兵鮮厄秦哀公曰楚王無道殄滅人倫吳若不伐別國亦將加征吾何與兵助亂包胥曰吳人貪昧無厭楚與秦界相連今楚遭禍而秦不救楚亡秦安能独保無患乎願大王熟思之救楚之兵不耳爲楚是亦利秦也哀公曰大夫始就館賜安下客孤與群臣商議包胥對曰寡君越在草莽未得所安下臣何敢就館又且救兵如救火寡欲願大王之兵渾如大旱之望雲霓焉能久待商議包胥請命愈急哀公終不肯許起兵于是包胥乃不脫衣冠立于秦庭晝夜號哭不絕其声七日夜水漿一勺不入于口哀公憫之曰楚國有臣如此吳人不知天道焉可滅也乃爲賦

詩曰

豈曰無衣與子同袍王于興師與子同仇

賦罷親慰包胥曰大夫不必痛楚寡人即當代汝與師南
出矣包胥聞哀公之命九頓首而出哀公即日命子蒲爲
先鋒子虎率中軍姬輦爲元帥大發精兵五方令從武關
直出胡曾先生有詩爲証云

楚國君臣章莽問吳王戈甲未嘗閑包胥不動咸陽哭
爭得秦兵出武關

秦將姬輦引兵殺出武關揚聲救楚以聚趙人時子西沈
諸梁沈尹成之子各在荆襄界上招集殘兵及山前山後有豪

條之士欲與復者皆歸于幕下約二万余人未敢輕出聞
包胥借秦兵至各來相會于焚水各七相見屯下營寨于
西告姬輦曰我主奔逃在外吳兵日夜不退敢煩大兵攻
郢我率本部接應以安社稷輦曰我兵初入楚境未諳道
路若遇敵兵與戰不利必朕搖動各方將士不如汝引熟
兵先戰我兵繼后首尾相應必朕大捷子西朕之與沈諸
梁引兵殺奔襄水而來哨馬報知吳王當時有人言昭王
匿于隨城吳王已遣孫武伍員引兵圍隨及聞秦兵與楚
兵殺至襄水遂調夫繁引兵出敵夫繁引兵與楚軍對陣
下寨次日兩陣對圓一將出馬楚之首將子西吳之首將

夫槩拍馬殺進關不一合子西詐敗夫驚勒馬追子西以白旗左麾秦兵陣上突出一員大呼豹頭孫自喊聲如雷手舞双刀望夫槩殺來夫槩視其旗號乃秦將姬瑤夫槩迎敵戰住數合楚兵大喊曰秦兵大至矣夫槩遂望郢都奔回見吳王甚稱秦兵勢銳不可抵當吳王驚惧即遣使召回子胥孫子令其勿圍隨城且回救郢使者相望道中不絕子胥與孫子星夜而歸吳王問二人進退之策孫子曰兵者國之威士振則兵可息征戰不止必有后殃今吳以數萬之兵長驅入楚焚其宗廟戮其社稷鞭死者之尸處生者之室勢已極矣宜與楚和議定貢稅火速班師

可保万全若夫以遠出之兵糧餉困匱又必欲久恋楚宮而興秦爭利臣必不敢保其万全吳王將許令六軍收拾班師伯嚭曰我兵自滬東吳一路跋涉而下五戰拔郢遂滅強楚今遇秦兵而便班師何前苦而後怯哉願得二万兵必使秦兵片甲不回吳王壯其言興兵二万退秦子胥與孫子力止不可交兵伯嚭不從引兵出城遇秦楚之兵于西北九十里次日子西出馬伯嚭大罵亡國匹夫社稷已喪尚敢求秦來救汝不是吾對手速退令姬輦出馬子西大怒輪刀直取伯嚭伯嚭拍馬來迎戰不五合西望后逃回伯嚭勒馬后追姬輦引伏兵從山坡后殺出子西

沈諸梁及馬殺回三馬將伯嚭困在垓心縛殺見伯嚭被
困引一枝生力之兵殺入垓心二人馬膊相並突圍而出
秦楚之兵一齊追至孫子知伯嚭必敗令夫概引兵殺來
接應秦兵恐有埋伏方且殺回伯嚭引二万兵出戰及歸
僅以身免其從者不上五十騎自囚入見吳王待罪孫子
謂子胥曰伯嚭爲人矜功自傲久后必喪吳國不如乘此
敗亡之故因而斬之除却后患子胥曰伯嚭雖有喪師之
罪朕敵在目前不可斬一大將遂奏吳王赦其罪過不片
時哨馬連報秦兵將至城下吳王問孫子何計可破孫子
曰事急矣非尽出大兵以拒則往日破楚之功將隨此而

喪吳王卽令夫槩與太子子山同守荊州親率大兵出城
五十里屯下三寨自右中鑿空守左寨孫子守右寨以
爲犄角之勢與秦兵相持數日並未出戰夫槩自思吳王
此行歸國其位必不肯傳與已大兵出征國中空虛若乘
此逃歸稱王奪位據守東吳豈不勝於久后相爭於是夜
領本部遂從西門逃歸

伍子胥和楚班師

當時吳王與秦楚之兵連日交鋒互相勝負未決雌雄正
召孫武子胥共設破秦計忽太子子山令小卒來報夫
槩從夜逃歸吳王不知其故子胥曰夫槩此行必有爭國

之意若不早歸行其根蒂已深難以動搖吳王曰外有強敵內有篡賊此事奈何子胥曰外敵臣與元帥自當掃平而還王速分兵歸謀夫槩於是吳王分兵十萬引鮑叔伯嚭等從漢水而歸留唐虞之兵與係武子胥拒秦却說夫槩歸國即位稱王問吳王殺回乃率守城士卒出敵吳王望見夫槩遙謂之曰吾念汝爲手足之人托爾重叔何得叛兄篡位狗彘不若夫槩曰汝何篡王位也吳王曰王僚不守先人遺訓亂次篡我之位我故取之汝焉得妄自尊奪以啓外人談笑夫槩不所拍馬直要求殺吳王吳王以刀左磨鮑叔殺出連戰救合伯嚭拍馬來攻夫槩敗走入

城堅閉不出吳王不能入城伯嚭獻計于王曰夫槩部下之卒皆王平日調用之人臣請今夜行一間計明日必有斬夫槩而獻城者吳王從之伯嚭號令諸將黃昏時候四門納賊詐似攻城之狀夫槩恐士卒微少不能守城急驅城中百姓雜處軍伍之間相幫衛守至三更前后伯嚭與縛殺遍統城下呼曰汝城上軍民平昔皆食吳王之祿今助夫槩作反明日速開城門迎接吳王入城始恕汝等之罪若夫執迷不悟不日伍員孫子兵回攻入城池滅爾宗族宅爾墳墓爾思其利害何歸城上軍民聞說此語各上拋戈折箭相爭弃城不守夫槩禁止不住恐生異變星夜

開南門車騎投奔于楚界上百姓爭開城門迎接吳王車
駕入朝群臣稱賀吳王即遣星使報捷于孫武子胥子胥
得旨謂孫子曰主上天兵一掃掃除內亂今吾吳子連兵
在外不能制敵班師此事奈何孫子曰秦兵久出諸將思
歸不如通使與之和令楚歲納貢稅朕后班師可乎子胥
曰楚人初得秦救必朕不肯請和納貢先設計大破一
陣挾以兵威朕后方可議和孫子朕之即令伍員祭昭公
唐成公各引本部精兵伏于漢江兩岸又令各寨小卒謠
嘯言夫槩走歸事國稱王作反吳王來召元帥班師各要
捲旗息鼓收拾班師待秦楚之兵追至方許抽兵殺回三

將領計而出各寨小卒俱招謠襲前事收拾將欲班師哨
馬早報于楚將子西子西告子姬羣姬羣曰吳國若有內
亂召子胥班師其必無聞志若率三寨之兵乘隙追擊必
得全勝子西狀之遂各披掛一齊追上一二十餘里吳兵偃
旗息鼓從小路緩上而退孫武在尚早處望見楚兵追入
埋伏之處即以紅旗麾動吳兵四面八方一齊殺出姬羣
自謂驍勇無敵雖狀困在重圍左馳右騁前衝後突畧無
懼色子胥正坐子西所殺望見一將在垓心中縱橫無敵
視其旗號乃春將姬羣更不恋戰拍馬直取姬羣姬羣問
來者何人敢近吾前子胥大罵無名匹夫不識吾名聞至

會上力舉千斤重鼎威振列國諸侯明輔佐員是也姬輦
聞名心荒手亂聞不十合刀法頗亂子胥大喊一聲挺起
長鎗望姬輦一刺姬輦翻于馬下子胥近前便斬子蒲子
虎及馬救起突圍而還子胥亦不來追少頃聞辛王孫出
皆引兵殺至救出子西沈諸梁屯于漢江左岸次日姬輦
引敗兵來会子西曰吳兵驍勇況且孫子用兵如神机变
不測不可與之久持暫遣使求和又作定奪遂令沈諸梁
往吳寨見伍員曰自五霸以來皆無滅國之意故齊桓公
存邢立衛秦穆公三立晉君后世人皆象之平王之矣過
于莊穆莊王穆王皆楚君止因听信無已謊言以致失德今明輔

出棺燬廟鞭尸抉目自人臣觀之報怨已極明輔之恨亦
可消去何不念先王之德抽轉吳兵復存楚祀庶几不失
爲楚良臣子胥辭曰吾知楚爲故國不敢太極爭奈吳王
有奇務今滅楚班師沈諸梁曰明輔乃楚國世臣楚之存
亡係于掌握不過立定盟誓長納貢稅班師以復吳王之
命有何不可孫子曰楚旣肯立盟誓定貢賦即便班師于
是沈諸梁回典子西商議子西遣閭辛往隨城請問昭王
昭王曰苟存社稷何惜金帛姑與議定待國安軍振又作
區處閭辛即以王言來告子西子西親詣吳寨來議貢稅
子胥延入中軍取酒與之各敘款曲子西告僂員曰所設

步納貢稅一從公府不敢有違但蔡夫人既死公子米勝
見在吳國乞明輔一言放歸使米建之祀不絕亦明輔盛
德也子胥起謝曰令尹此舉實仁者之心員即告吳王送
還米勝鮑毅曰楚人怨米勝父子入于骨髓子西詐召歸
國將欲斬之明輔焉可輕許子胥曰不狀令尹實仁明之
士典米勝骨肉之親焉有詐召之意吾已知令尹之心久
矣遂受議貢文約相送子西出寨即日令大軍拔寨班師
子胥曰楚人多詐不可不慎令孫武蔡侯率輕騎于前自
與唐侯斷后大軍遂望漢江而還不知后事如何